

大王今當知 彼死法極惡 能斷人壽命
及破壞諸蘊 斯爲大怖畏 世皆非愛樂
彼死法若來 普偏於一切 虛空并大海

深穴與高山 大地及諸方 無處可逃避
唯諸有智者 安住真實法 即堅固無動

一切不能壞 壽報未盡時 當發大精進
廣修衆善因 勤行諸梵行 由善根力故
得至涅槃界 至涅槃界已 能遠離死怖
爾時憍薩羅國勝軍大王聞佛世尊以諸方
便善巧譬喻說妙法已歡喜踊躍恭敬讚歎

頂禮佛足迴復王宮佛說此經已諸大苾芻
衆聞佛所說皆大歡喜信受奉行

佛說勝軍王所問經

佛說輪王七寶經

宋西天三藏朝奉大夫試鴻臚卿傳法大師施設奉譯

如是我聞一時佛在舍衛國與大苾芻衆俱
是時佛告諸苾芻言汝等當知有利帝利大
灌頂王已受灌頂得輪王位威德自在人所

尊重出現世間其王出時有七寶現何等爲
七所謂輪寶象寶馬寶主藏臣寶主兵臣寶
摩尼寶女寶如是七寶隨王出現何名輪寶
所謂千幅金輪最上殊妙諸相圓滿有大威
力其金輪寶從空而下住王宮門是時彼刹
新四帝利大灌頂輪王見是輪寶出已心大歡喜
帝利大灌頂輪王見是輪寶出已心大歡喜
即告侍臣言汝今速嚴四兵當出遊幸是時
侍臣受王命已即嚴四兵既嚴整已即詣王
所而白王言四兵已嚴王出遊幸今正是時
爾時彼刹帝利大灌頂輪王即從座起整其

衣服出於宮門彼千幅輪導於王前從王右
手順次而轉是時彼王遊於四海於少時間
即還王宮以其輪寶功能勝故諸苾芻此名
刹帝利大灌頂輪王出時第一輪寶出現
復次諸苾芻刹帝利大灌頂輪王出時復
有象寶出現其相殊妙純白無雜猶如大龍
七處具足圓滿而住從於北方乘空而來住
王宮門是時臣僚見是事已即馭王所具以
其事而白於王彼大灌頂輪王見是象寶出
已心大歡喜內自思惟甚爲賢善最大殊勝

我有所用而必當取是時彼王謂諸臣言象寶出現汝等宜應專勤守護備吾所用是時侍臣受王命已於長時中專勤守護善巧調習無少損失備王所用佛告諸苾芻往昔有
第四
利帝利大灌頂輪王出世是時亦有象寶出現其王於晨五朝時乘彼象寶遊於四海即時還宮汝等當知象寶有是勝妙功能諸苾芻
九
此名大灌頂輪王出時第二象寶出現復次諸苾芻大灌頂輪王出時復有馬寶出現其數有四諸分圓滿而各有其上妙色相

所謂青黃赤白項頸妙好猶如謨羅行迅疾而復調善是四馬寶出現宮門爾時臣僚見是馬寶希有妙好即馭王所彼大灌頂輪王見是四馬寶已心大歡喜內自思惟馬寶出現甚爲賢善我有所用必當如意彼大灌頂輪王而復宣言汝等諸臣於長時中當勤守護善巧調習我有所用而必當取是時臣僚受王命已長時守護備王所用諸苾芻往昔有大灌頂輪王出世是時亦有馬寶出現其王於晨朝時乘是馬寶遊於四海即復還

宮汝等當知馬寶有是殊勝功能諸必努力此
名大灌頂輪王出時第三馬寶出現
復次諸苾芻輪王出時復有主藏臣寶出現
是時有大寶藏堅牢具足大財大富彼臣所
主時主藏臣即諸王所作是白言有大寶藏
一切殊妙珍寶具足所謂金等一切寶物王
有所用我當授王一切如意無少闕失是時
輪王見是主藏臣寶出已心大歡喜又聞其
言金等諸寶一切具足獲大如意時王即謂
彼主藏臣寶言汝今有如是色相神通威力

能主地中廣大伏藏金等諸寶一切具足觀
如是事甚爲希有最上賢善汝善主持我有
所欲汝當供給餘非欲者亦善主持諸苾芻
汝等當知此地伏藏人所不見非人即見輪
王出時有主藏臣而自出現爲王守護一切
供給此名輪第四王出時第四主藏臣寶出現
復次諸苾芻輪王出時復有主兵臣寶出現
是時彼臣有大智略勇猛威德大力色相一
切具足善御兵衆護王國界不令侵擾時主
兵臣諸於王所白如是言大王當知我善主

兵守護王境若時非時諸有所作當如王意無少闕失是時彼王見是主兵臣寶出現已心大歡喜即謂彼言汝今有大智略勇猛威德大力色相若時非時一切能作善御兵衆守護國界甚爲賢善汝當長時親輔於我諸有所爲汝善方便汝今於王是大守護諸苾芻此名輪王出時第五主兵臣寶出現

復次諸苾芻輪王出時復有大摩尼寶出現彼摩尼寶最上色相妙好殊勝有大光明圓滿具足其光廣大普照一切有大功能於王

宮中若有是寶而彼夜暗非燈所照寶出光明自然照曜猶如日光諸苾芻往昔有大輪王出世是時亦有大摩尼寶出現有大光明彼王爾時欲驗其能即勅臣僚速嚴四兵當於夜分出遊園林是時臣僚受王命已即嚴第十四

四兵速詣王所白如是言四兵已集王出遊

十一幸今正是時爾時彼王即以大摩尼寶置旌旗上引導王前於夜分中出遊園林其寶光明照一由旬其王四兵皆悉光明互相映耀如天光明等無有異諸苾芻此名輪王出時

第六大摩尼寶出現

復次諸苾芻輪王出時復有女寶出現最上色相諸分圓滿妙好第一諸世間人無有等者輕妙柔軟如幹卿梨身諸毛孔出諸妙香譬如盛香寶器於一切時香氣常在又復女寶所有出入之息一一皆如青蓮華香人所愛樂如王所行女寶從後諸有所作適悅自在性行貞正不受邪染常出愛語人所樂聞而有光明人所喜見諸苾芻此名輪王出時第七女寶出現

佛告諸苾芻如是名爲輪王出時七寶出現汝等當知如來應供正等正覺出時宣說七覺支法何等爲七所謂念覺支擇法覺支精進覺支喜覺支輕安覺支定覺支捨覺支如是名爲七覺支法唯除如來應供正等正覺出世宣說如前七寶亦復如是唯除大灌頂輪王出時其寶出現汝等當知如來所說七覺支法令諸衆生如理修行一切皆得安樂利益汝等當勤如是修學

佛說輪王七寶經